



Broj: UP1-03-07-3-23-15/16  
Datum: 15.03.2017. godine

Na osnovu člana 61. Zakona o upravi („Službeni glasnik BiH“, br. 32/02 i 102/09), člana 70. stav (1) i (3) Zakona o javnim nabavkama BiH („Službeni glasnik BiH, br. 39/14), Odluke o davanju saglasnosti na Izvještaj o evaluaciji javne nabavke konsultantskih usluga otvorenim postupkom za implementaciju projekta „Pojednostavljenje i unapređenje zapošljavanja u državnu službu“ br 05-14-3-24-7/17 od 15.02.2017.godine. godine i Odluke o davanju saglasnosti na prijedlog Odluke o dodjeli ugovora br: 05-14-3-24-8/17 od 15.02.2017.godine, koordinator za reformu javne uprave u BiH donosi:

## ODLUKU

### **o dodjeli ugovora za nabavku konsultantskih usluga za implementaciju projekta „Pojednostavljenje i unapređenje zapošljavanja u državnu službu“**

Ugovor za implementaciju projekta „Pojednostavljenje i unapređenje zapošljavanja u državnu službu“ dodjeljuje se ponuđaču „Zamm Media Consulting d.o.o. ul.Hasana Kikića br.13. 71 000 Sarajevo“, a po prihvaćenoj ponudi ponuđača br: UP1-03-07-3-23-6/16 od 12.01.2016.godine, po provedenom otvorenom postupku javne nabavke.

## II

Ugovor za implementaciju projekta „Pojednostavljenje i unapređenje zapošljavanja u državnu službu“ zaključit će se po cijeni prihvaćenoj u ponudi ponuđača „Zamm Media Consulting d.o.o. ul.Hasana Kikića br.13. 71 000 Sarajevo“, u iznosu od 362.384,10 KM sa PDV-om.

## III

Ova Odluka stupa na snagu danom donošenja i dostavlja se ponuđaču u roku od tri dana od dana stupanja na snagu i objavljuje se na web stranici Ureda koordinatora za reformu javne uprave.

## Obrazloženje

Ured koordinatora za reformu javne uprave pokrenuo je otvoreni postupak javne nabavke konsultantskih usluga za implementaciju projekta „Pojednostavljenje i unapređenje zapošljavanja u državnu službu“ i to Odlukom o pokretanju postupka javne nabavke broj: UP1-03-07-3-23-1/16 od 28.11.2016.godine. Obavještenje o nabavci br: 1438-1-2-26-3-17/16 objavljeno je na portalu javnih nabavki dana 02.12.2016.godine. Također, informacija o postupku javne nabavke objavljena je i na web stranici Ureda koordinatora za reformu javne uprave, kao i na stranicama Centra za promociju civilnog društva, web stranici akta.ba, ccppei.ba i briefing.ba.

Ured koordinatora za reformu javne uprave, do krajnjeg roka za prijem ponuda, primio je **tri ponude** i to:



1. Ponuda ponuđača – „Djikić Consulting Services d.o.o. ul. Augusta Brauna 10/4, 71 000 Sarajevo, BiH“, ponuda zaprimljena dana 12.01.2017. godine u 11.22 sati.
2. Ponuda ponuđača – „Revicon d.o.o. ul. Envera Šehovića br.14, 71 000 Sarajevo“, ponuda zaprimljena dana 12.01.2017. godine u 11.31 sati.
3. Ponuda ponuđača – „Zamm Media Consulting d.o.o. ul. Hasana Kikića br.13. 71 000 Sarajevo“ ponuda zaprimljena dana 12.01.2017. godine u 11.37 sati.

. Javno otvaranje ponuda izvršeno je dana 12.01.2017.godine.

Nakon javnog otvaranja ponuda Komsija je pristupila analitičkom pregledu traženih i dostavljenih dokumentata na osnovu kojih se utvrđuje da li postoje razlozi za isključenje ponuđača (**član 45, 46 i 47. Zakona o javnim nabavkama**).

Tom prilikom je Komisija konstatovala da ponuda ponuđača:

1. „Djikić Consulting Services d.o.o.“ **ispunjava uslove** utvrđene u tenderskoj dokumentaciji u pogledu traženih i dostavljenih dokumentata na osnovu kojih se utvrđuje da li postoje razlozi za isključenje ponuđača (član 45, 46 i 47. Zakona o javnim nabavkama).
2. „Revicon d.o.o.“ **ispunjavaju uslove** utvrđene u tenderskoj dokumentaciji u pogledu traženih i dostavljenih dokumentata na osnovu kojih se utvrđuje da li postoje razlozi za isključenje ponuđača (član 45, 46 i 47. Zakona o javnim nabavkama).
3. „Zamm Media Consulting d.o.o.“ **ispunjava uslove** utvrđene u tenderskoj dokumentaciji u pogledu traženih i dostavljenih dokumentata na osnovu kojih se utvrđuje da li postoje razlozi za isključenje ponuđača (član 45, 46 i Zakona o javnim nabavkama).

U pogledu ispunjenosti uslova iz člana 47. Zakona o javnim nabavkama tenderskom dokumentacijom traženo je slijedeće:

„7.3.1.Što se tiče ekonomske i finansijske sposobnosti, u skladu sa članom 47. Zakona, ponuda će biti odbačena ako ponuđač ne ispuni slijedeće minimalne uslove:

a) ostvaruje pozitivne rezultate poslovanja u posljednje dvije godine.

7.3.2. Ocjena ekonomskog i finansijskog stanja ponuđača će se izvršiti na osnovu dostavljene **Izjave ovjerene od strane ponuđača**, koja se dostavlja u formi utvrđenoj **Aneksom 7 tenderske dokumentacije i dostavljene obične kopije sljedećeg dokumenta**:

a) Kopije bilansa uspjeha za posljednje 2 (dvije) finansijske godine za koje se raspolaže podacima, ili od datuma registracije, odnosno početka poslovanja u predmetnom segmentu, ako je dobavljač registriran odnosno počeo sa radom prije manje od dvije godine, ukoliko je objavljivanje poslovnog bilansa zakonska obaveza u zemlji u kojoj je ponuđač registrovan, a iz kojih je vidljivo da je dobavljač ostvario pozitivne rezultate poslovanja. Ako ne postoji zakonska obaveza objave bilansa u zemlji u kojoj je ponuđač registrovan, ponuđač će dostaviti izjavu ovjerenu od strane ponuđača.

7.3.3. Ponuđač čija ponuda bude izabrana kao najpovoljnija, dužan je nakon prijema odluke o izboru, dostaviti u roku ne dužem od 5 dana, **originale ili ovjerene kopije dokumenata kojim dokazuje ekonomsku i finansijsku sposobnost**. Dokazi moraju biti fizički dostavljeni na protokol ugovornog organa najkasnije peti dan po prijemu odluke o izboru, u radnom vremenu ugovornog organa (do 17,00 sati), te za ugovorni organ nije relevantno na koji su način poslani.

NAPOMENA: Ponuđač može uz Izjavu, tj.uz svoju ponudu, odmah dostaviti i orginale ili ovjerene kopije traženih dokaza koji su navedeni u izjavi.Ovim se ponuđač oslobađa obaveze naknadnog dostavljanja originala ili ovjerenih kopija dokaza ako bude izabran.“

Uvidom u ponudu ponuđača „Zamm Media Consulting d.o.o“ komisija je konstatovala da je isti na stranici 18 dostavio ovjerenu Izjavu iz Aneksa 7 TD, te običnu kopiju bilansa. Daljim pregledom komisija je utvrdila da u okviru orginalne ponude između stranice 18 i stranice 20 nedostaje stranica 19 (početna stranica bilansa uspjeha za period od 01.01. do 31.12.2015.godine) a koja je uredno dostavljena u kopiji ponude.

Obzirom da cjelokupnom dokumentu nedostaje samo prva stranica, te da je iz slijeda ostalih stranica očigledno da ponuđač posluje pozitivno, odnosno ispunjava uslove tražene tačkom 7.3.1. i 7.3.2. tenderske dokumentacije, komisija je u skladu sa članom 68. Stav 3. Zakon o javnim nabavkama zatražila uvid u original dokumenta u cilju otklanjanja formalnog nedostatka.

Dana 27.01.2017.godine ponuđač je dostavio traženi original dokumenta, u zakonskom roku. Nakon što je izvršila uvid u isti komisija je konstatovala da je identičan kopiji dostavljenoj u sklopu ponude, te da navedeni ponuđač ispunjava uslove iz člana 47.Zakona o javnim nabavkama.

Iz svega naprijed navedenog proizilazi da sva tri ponuđača ispunjavaju uslove iz člana 45., 46. i 47. Zakona o javnim nabavkama, odnosno tačke 7.1., 7.2. i 7.3. tenderske dokumentacije.

Nakon toga Komisija je pristupila analitičkom pregledu traženih i dostavljenih dokaza tehničke i profesionalne sposobnosti (**član 50. Zakona o javnim nabavkama**), te je utvrdila da ponuđač-grupa ponuđača:

1. „Djikić Consulting Services d.o.o.“ **ispunjava uslove** utvrđene u tenderskoj dokumentaciji u pogledu traženih i dostavljenih dokumentata tehničke i profesionalne sposobnosti (**član 50. Zakona o javnim nabavkama**).
2. „Zamm Media Consulting d.o.o.“ **ispunjava uslove** utvrđene u tenderskoj dokumentaciji u pogledu traženih i dostavljenih dokumentata tehničke i profesionalne sposobnosti (**član 50. Zakona o javnim nabavkama**).
3. „Revicon d.o.o.“ **ispunjavaju uslove** utvrđene u tenderskoj dokumentaciji u pogledu traženih i dostavljenih dokumentata tehničke i profesionalne sposobnosti (**član 50. Zakona o javnim nabavkama**).

Iz svega naprijed navedenog proizilazi da sva tri ponuđača ispunjavaju uslove iz člana 50. Zakona o javnim nabavkama.

U skladu sa **čl.61. Zakona o javnim nabavkama**, tačkom 8.8. tenderske dokumentacije je traženo da ponuđač dostavi bezuslovnu bankarsku garanciju za ozbiljnost ponude, u iznosu od 4.500,00 KM ( četirihiljade i petstotina konvertibilnih maraka), Komisija je konstatovala da su svi ponuđači dostavili traženu garanciju za ozbiljnost ponude.

- Daljom evaluacijom komisija je utvrdila da ponuđač „Djikić Consulting Services d.o.o.“ u okviru ponude nije dostavio potpisane Opšte uslove ugovora, a koji čine sasatvni dio Aneksa 15 tenderske dokumentacije. Na stranici 5. dostavljene ponude u dijelu SADRŽAJ PONUDE Obrasca za ponudu (Aneks 2 TD) ponuđač je naveo da ista sadrži dokumenta označena od 1 do 12, i da pod stavkom 12. dostavlja „Potpisan nacrt ugovora sa priložima (potpisane Opšte uslove ugovora)- **Aneks 15**“, međutim iste nije fizički dostavio u okviru ponude.

